

**Cofnodion Cyfarfod Blynyddol Cyngor Cymuned Llanedi a gynhaliwyd ar Nos Fercher, 18<sup>th</sup> Mai 2017 yn Neuadd y Pentref, Tycroes**

**1 – Aelodau'n bresennol**

**Cynghorwyr:**

G Thomas  
M Nicholas  
A Blackley  
L Griffiths  
B Thomas  
B Evans  
C Higgins  
T Higgins  
R C Roberts  
B D Davies  
S A Evans

Y Cadeirydd Y Cynghorydd G Thomas oedd yn llywyddu ar y cyfarfod
--

**Hefyd yn bresennol:** Clerc/Syrfëwr David Davies.

**2. Ymddiheuriadau am Absenoldeb**

Derbyniwyd ymddiheuriadau am eu habsenoldeb o'r cyfarfod gan y Cynghorwyr I Davies, Ms S Lyle a Mr N A C Davies.

**3. Datganiad o Dderbyn Swydd Fel Cynghorwyr**

Arwyddodd yr holl Aelodau a oedd yn bresennol ddatganiad o dderbyn swydd fel Cynghorydd.

**4. Gwobr Terry Price**

Gan nad oedd y tlws wedi bod ar gael yn ystod y seremoni wobrwyo flaenorol, cyflwynodd y Cadeirydd dlws i Rhys Williams a oedd, yn ddiweddar, wedi ennill Gwobr Terry Price,

**5. Cadeirydd sy'n ymadael**

Wrth annerch y Cyngor, nododd y Cynghorydd G Thomas bod y blynyddoedd diwethaf wedi bod yn gyfnod anodd iawn i'r Cyngor, gyda nifer o broblemau yn codi eu pennau. Roedd hi'n werth nodi bod y bobl sy'n meddu ar ddaliadau croes i ddaliadau'r Cyngor, ac a oedd wedi

cynnig eu hunain i'w hethol yn yr etholiad diweddar heb gael eu hethol i'r Cyngor.

Cynigiodd y Cynghorydd B Thomas bleidlais o ddiolch ar ran y Cyngor am waith y Cadeirydd yn ystod y flwyddyn.

Eiliwyd y cynnig gan y Cynghorydd B Davies. Cymeradwywyd y cynnig yn unfrydol.

#### **6. Ethol Cadeirydd am y flwyddyn 2017-2018**

Cynigiodd y Cynghorydd A Blackley bod y Cynghorydd M Nicholas yn cael ei ethol yn Gadeirydd ar y Cyngor am y flwyddyn ariannol 2017-18. Eiliwyd y cynnig gan y Cyng. B Davies, a chymeradwywyd y cynnig yn unfrydol gan y Cyngor

Ar wahoddiad y Clerc, arwyddodd y Cyng. M Nicholas y datganiad i dderbyn ei swydd fel Cadeirydd y Cyngor.

#### **7. Araith y Cadeirydd**

Diolchodd y Cadeirydd newydd, y Cynghorydd M Nicholas, i'r cyn Gadeirydd am ei waith a'i gefnogaeth yn ystod y flwyddyn a aeth heibio, a chroesawodd y ddau Gynghorydd newydd eu hethol, sef y Cynghorydd C Davies a'r Cynghorydd S Lyle. Dywedodd both nifer o ddatblygiadau newydd wedi eu dechrau yn ystod y flwyddyn yn y ddwy gymuned, a bod cynlluniau ar y gweill at y dyfodol. Bydd y rhaglen trosglwyddo asedau yn cynnig heriau newydd yn ystod y flwyddyn nesaf, a nododd y bwriad, yn y flwyddyn gyfredol, i gyflogi Swyddog Datblygu Cymunedol. Yn ychwanegol, cyflwynwyd adroddiad yn rhestru'r amrywiol roddion sydd wedi'u hawdurdodi i'w talu i fudiadau lleol.

#### **8. Ethol Is-Gadeirydd am y flwyddyn 2017-2018**

Cynigiwyd gan y Cyng. B Evans ac eiliwyd gan y Cyng. B Thomas bod y Cyng. A Blackley yn cael ei enwebu'n Is-Gadeirydd am y flwyddyn ariannol 2017 -18. Ar wahoddiad y Clerc, arwyddodd y Cyng. A Blackley y datganiad i dderbyn y swydd o Is-Gadeirydd y Cyngor am y cyfnod 2017 – 2018.

#### **9. Bendith – Glan Roberts**

Ar wahoddiad y Cadeirydd, cynigiodd y Parchedig W.G.M. Roberts fendith ar waith y Cyngor am y flwyddyn sydd i ddod.

**10. Atal Busnes**

Gyda hynny, ataliodd y Cadeirydd unrhyw fusnes pellach y Cyngor, gan ohirio'r cyfarfod tan ddydd Mercher, 7<sup>fed</sup> Mehefin 2017.